



01

Populaziun

1142-1101-05

## La nova dumbraziun dal pievel



Schweizerische Eidgenossenschaft  
Confédération suisse  
Confederazione Svizzera  
Confederaziun svizra

Departament federal da l'intern DFI  
Uffizi federal da statistica UST

Neuchâtel, 2011

## La nova dumbraziun dal pievel

---

Dal 1850 fin il 2000 ha la dumbraziun dal pievel furnì mintga 10 onns infurmaziuns impurtantas davart la structura da la populaziun en Svizra. Il 2010 hai dà ina midada fundamentala: l'Uffizi federal da statistica (UST) realisescha ed evaluescha la dumbraziun dal pievel en in ritmus d'in onn ed en ina nova furma. Per distgargiar la populaziun sa basa el en emprima lingia sin las infurmaziuns dals registers d'abitantas e d'abitants e cumplete-scha quellas cun enquistas basadas sin provas da controlla. Da nov vegn mo pli ina pitschna part da la populaziun (ca. 5%) du-mandada en scrit u via telefon.

La Svizra dispona uschia d'in sistem statistic modern che permetta d'observar cuntuadament las structuras ed il svilup da la populaziun, da las chasadas, dals edifizis e da las abita-zions. Grazia a la nova dumbraziun dal pievel èsi era pussaivel d'analisar meglier las midadas economicas e socialas che suc-cedan oz a moda accelerada. A medem temp permetta il nov sistem da spargnar var 100 milliuns francs visavi la dumbraziun dal pievel tradiziunala.

La nova dumbraziun dal pievel è pli moderna, pli favuraivla, pli sperta e tematicament pli cumplexiva.

## Pertge ina dumbraziun dal pievel?

---

La dumbraziun dal pievel è ina funtauna d'infurmaziuns fitg im-purtanta per la populaziun, la politica, l'economia e la scienza. En bunamain tut ils stadis dal mund datti regularment dumbra-zions dal pievel.

Las statisticas da la dumbraziun dal pievel davart la structura da vegliadetgna, la quota da las estras e dals esters en Svizra, il martgà da lavur, il cumporment dals pendularis e blers auters temes furman ina basa d'infurmaziun impurtanta per numerosas dumondas actualas. Ellas gidan a planisar, a sviluppar strategias ed a prender decisiuns en ils pli divers secturs politics ed eco-nomics. Quels tanschan dal traffic, a la sanadad, la furmaziun, l'energia, l'ambient, la planificaziun territoriala fin a las assicuran-zas socialas.

In exempl: l'economia nizzegia las statisticas da la populaziun per far studis dal martgà, planisar ses basegn da persunal u per tscherner ils lieus da novas filialas.

## Tge è la nova dumbraziun dal pievel?

- La nova dumbraziun dal pievel è in'enquista basada sin registers che evaluescha las datas administrativas existentas. L'UST nizzegia ils registers chantunals e communals d'abitantas e d'abitants, ils registers da persunas da la Confederaziun s'co er il register federal dals edifizis e da las abitaziuns.
- Sulettamain las infurmaziuns necessarias betg cuntegnidas en in register ston vegnir dumandadas cun agid d'enquistas cumplementaras basadas sin provas da controlla:
  - cun in'enquista da structura annuala tar 200'000 persunas. Ils chantuns e las citads pon amplifitgar las provas da controla per lur territori;
  - cun enquistas tematicas tar 10'000 resp. 40'000 persunas (tschintg temas, mintg'onn in auter);
  - cun ina enquista Omnibus davart temas actuals tar 3000 persunas.

## Enquista basada sin registers




L'enquista basada sin registers furnescha infurmaziuns fundamentalas davart l'entira populaziun. Ella metta a disposiziun resultats davart il dumber e la structura da la populaziun, da las chasadas, dals edifizis e da las abitaziuns. Quels èn disponibels mintg'onn la fin d'avust (statisticas davart la populaziun, ils edifizis e las abitaziuns) resp. il cumentzament da l'onn suenter l'enquista (statisticas davart las chasadas e las condizioni d'abitar).

Las caracteristicas da l'enquista basada sin registers:

- furnescha infurmaziuns davart las persunas e las chasadas en connex cun la vegliadetgna, la schlattaina, il stadi civil, la naziunalitat, la grondezza da la chasada, etc.;
- furnescha infurmaziuns davart ils edifizis e las abitaziuns en connex cun la vegliadetgna, la categoria d'edifizi, il dumber d'abitaziuns, il dumber da stanzas, la surfatscha, etc.;
- enquista cumplexiva da las datas existentas en ils registers;
- l'enquista vegn evaluada mintg'onn;
- permetta d'evaluar spazis geograficamain fitg pitschens.

## Enquista da structura




Per l'enquista da structura vegn ina pitschna part da la populaziun dumandada en scrit. L'enquista cumplettescha las infurmaziuns dals registers e furnescha ulteriuras statisticas davart la structura da la populaziun. Ils emprims resultats èn disponibels in onn suenter il di da referencia. Resultats cumulads per la perioda dal 2010–2012 èn disponibels l'onn 2013.

Las caracteristicas da l'enquista da structura:

- furnescha infurmaziuns davart la populaziun, las chasadas, la famiglia, las furmas d'abitar, la lavur, la mobilitad, la furmaziun, la lingua e la religiun;
- provas da controlla en scrit tar 200'000 persunas;
- pussaivludad da responder via internet u en scrit cun il questiunari sin palpiti;
- vegn realisada mintg'onn (di da referencia è ils 31 da decembre);
- invista geografica pli profunda: Svizra, regiuns grondas, chantuns e vischnancas a partir da 15'000 abitants;
- ils resultats pon vegnir cumulads sur 3 e 5 onns. Quai permetta da far evaluaziuns da spazis geograficamain fitg pitschens (suenter 5 onns per vischnancas a partir da 3000 abitants);
- ils chantuns e las citads pon amplifitgar las provas da controlla.

## Enquistas tematicas



Las enquistas tematicas vegnan medemamain realisadas en furma da provas da controlla. Cun las statisticas da questas enquistas èsi pussaivel d'approfundar las infurmaziuns da l'enquista da structura. Ils emprims resultats èn disponibels in onn suenter las enquistas.

Las caracteristicas da las enquistas tematicas:


- prova da controlla telefonica tar 10'000 fin max. 40'000 persunas;
- in'enquista tematica ad onn;
- ils chantuns e las citads pon amplifitgar las provas da controlla;
- ils temas sa repeten mintga tschintg onns;
- infurmaziuns specificas sin nivel naziunal e davart las regiuns grondas.

## Survista da las enquistas tematicas:

- 2012: sanadad
- 2013: famiglias e generaziuns
- 2014: lingua, religiun e cultura
- 2015: mobilitad e traffic
- 2016: scolaziun e perfecziunament
- 2017: sanadad

## Omnibus

---



Enquistas Omnibus èn enquistas davart plirs temas che furneschan a moda speditiva respostas a dumondas politicas u scientificas actualas. Ils resultats èn disponibels var sis mais suenter l'enquista.

### Las caracteristicas da l'Omnibus:

- provas da controlla telefonicas tar 3000 persunas;
- mintg'onn almain in'enquista Omnibus;
- tscherna flexibla dals temas tut tenor basegn;
- infurmaziuns specificas sin nivel svizzer.

### Survista dals temas da las enquistas:

- 2010: utilisaziun da l'internet
- 2011: enquistas davart plirs temas concernent la vita en Svizra

## Co statti cun la protecziun da datas?

---

La protecziun da datas e la segirezza da quellas èn per nus d'impurtanza centrala. Ellas èn garantidas tras la Lescha federala da statistica e la Lescha davart la protecziun da datas.

- Tut las indicaziuns vegnan tractadas a moda strictamain confidenciala;
- ils numis e las adressas sco er ils documents d'enquista empfenids vegnan destruids suenter la fasa d'enquista;
- las datas vegnan utilisadas unicamain per las incumbensas statisticas fixadas en la lescha;
- ils resultats publitgads na laschan trair naginas conclusiuns davart las relaziuns persunalas da singulas chasadas e persunas;
- las collavuraturas ed ils collavuraturs da l'UST e dals instituts d'enquista participads suttastattan al secret statistic.

## **Curta resumaziun: La nova dumbraziu dal pievel...**

---

- reducescha la chargia da las vischnancias, dals chantuns e da la populaziun;
- garantescha la cumplaina protecziun da datas;
- garantescha la producziun da statisticas tematicamain pli vastas e pli actualas davart la structura ed il svilup da la populaziun;
- gida a prender decisiuns speditivas e fundadas en la politica e l'economia;
- spargna en tut var 100 milliuns francs visavi la dumbraziu dal pievel tradiziunala;
- publitgescha ils resultats a moda sperta e regulara.

---

### **Ulteriuras infurmaziuns davart il tema:**

<b>Internet:</b>	<a href="http://www.volkszählung.ch">www.volkszählung.ch</a>
<b>Telefon:</b>	0800 866 700
<b>E-mail:</b>	census@ bfs.admin.ch
<b>Adressa:</b>	Uffizi federal da statistica Partiziun studis demografics e retschertgas davart las chasadas Espace de l'Europe 10 2010 Neuchâtel
<b>Numer d'empustaziun:</b>	1142-1101-05
<b>Grafica sin il frontispizi:</b>	UST; concept: Netthoevel & Gaberthüel, Bienna; foto: © Chanzlia federala – Béatrice Devènes, Dominic Büttner